

女科準繩 四之三

胎前門

心腹脹滿 胎水腫滿 腹內鐘鳴

積聚 孕心腹脹傷 中惡 中風


風癱 因觸冷飲發動 驚悸 瘖

煩 乾附吐 右外感風寒 咳唾血 咳嗽

喘 瘧 霍 胃用六烏 滯下 小便不通

小便不通 婦飲食 尿血

之則成



心腹脹滿

大全夫妊娠心腹脹滿者由腹內素有寒氣致令停飲妊娠重因觸冷飲發動與氣相平故令心腹脹滿也薛前證若外感風寒內傷飲食用藿香正氣散

雜病中風

若食傷脾胃用六君子湯若陽氣壅滯用紫蘇

飲

胎上逼心

一妊婦飲食停滯心腹脹滿或用人參養

胃湯加青皮山查枳殼其脹益甚其胎上攻惡心不食右關脉浮大按之則弦此脾土不足肝木所侮用六君子加柴胡升麻而愈後小腹痞悶用補中益氣湯升舉脾氣而瘥妊婦腹脹小便不利吐逆諸

醫雜進溫胃寬氣等藥服之反吐轉加脹滿湊心驗之胎死已久服下死胎藥不能通因得鯉魚湯其論曰妊婦通身腫滿或心胸急脹名曰胎水遂去妊婦胸前看之胸肚不分急以鯉魚湯三五服大小便皆下惡水腫消脹去方得分娩死胎此證蓋因懷妊腹大不自知覺人人皆謂妊娠孕如此終不知胎水之患也

倉公下氣湯 治妊娠心腹脹滿兩脇妨悶不下飲食四肢無力

羌活

赤芍藥

甘草

檳榔

青皮

大腹皮

陳皮

赤茯苓

半夏

桑白皮

桂心

各半兩

紫蘇莖

貳兩

咬咀每服三錢水壹盞薑伍片棗壹箇煎柒分去

滓服無時

局方分心氣飲大同小異加燈心煎

訶梨勒散

療妊娠心腹脹滿氣衝胸膈煩悶四肢

少力不思飲食

訶梨勒

赤茯苓

前胡

各壹兩

陳皮

大腹皮

桑白皮

各柒錢半

枳殼

川芎

白朮

各半兩

右爲粗末每服肆錢水壹盞半薑三片棗子壹箇煎至柒分去滓溫服無時

安胎和氣飲 治胎冷腹脹痛引兩脇小便頻數大

便虛滑

訶子

麵裹煨
去核

白朮

各貳錢

陳皮

去白

高良薑

炒

木香

不見火

白芍藥

陳米

炒

甘草

炙各壹錢

右作一服水貳盞生薑五片煎至壹鍾不拘時服

忌食生冷之物

治妊娠心下滿氣急切痛

赤茯苓 陸分

桑白皮 伍分

前胡 肆分

郁李仁

檳榔 各叁分

右為細末以水壹升煮取一半去滓夜卧服

紫蘇飲

治妊娠心腹脹滿兩脇妨悶

見胎上
逼心

枳殼湯

治婦人妊胎腹脹

枳殼 叁兩

黃芩 壹兩

為粗末每服五錢水盞半煎温服

如胎前腹滿

身體沉重加白朮壹兩

仲景婦人懷妊六七月脉弦發熱其胎愈脹腹痛惡

寒者少腹如扇所以然者子藏寒故也當以附子湯

温其藏

附子湯方

附子

貳枚炮去皮破掇片

白朮

肆兩

茯苓

芍藥

各叁兩

人參

貳兩

服 右五味以水捌升煮取叁升去滓温服壹升日三

婦人傷胎懷身腹滿不得小便從腰以上重如有水氣狀懷身七月太陰當養不養此心氣實當刺瀉勞宮及關元小便微利則愈

胎水腫滿

產寶論曰夫妊娠腫滿由臟氣本弱因產重虛土不
尅水血散入四肢遂致腹脹手足面目皆浮腫小便
秘澀陳無擇云凡婦人宿有風寒冷濕妊娠喜腳腫
俗呼爲皺脚亦有通身腫滿心腹急脹名曰胎水

論曰凡妊娠之人無使氣極若心靜氣和則胎氣安
穩若中風寒邪氣及有所觸犯則隨邪而生病也凡
妊娠經血壅閉以養胎若忽然虛腫乃胎中挾水水
血相搏脾胃惡濕主身之肌肉濕漬氣弱則肌肉虛
水氣流溢故令身腫滿也然其由有自或因泄瀉下

痢臟腑虛滑耗損脾胃或因寒熱瘧疾煩渴引飲太過濕漬脾胃皆能使頭面或手足浮腫也然水漬於胞兒未成形則胎多損壞及其臨產日脚微腫乃胞藏水少血多水出於外故現微腫則易生也宿有寒氣因寒冷所觸故能令腹脹腫滿也 產乳集論妊娠自三月成胎之後兩足自脚面漸腫腿膝以來行步艱辛以至喘悶飲食不美似水氣狀至於脚指間有黃水出者謂之子氣直至分娩方消此由婦人素有風氣或衝任經有血風未可妄投湯藥亦恐大段甚者慮將產之際費力有不測之憂故不可不治於

未產之前也古方論中少有言者按名醫錄宋少主
元徽中與徐文伯微行學鍼法文伯見一妊婦足腫
不能行少主脉之此女形也文伯診之曰此男胎也
在左則胎黑色少主怒欲破之文伯惻然曰臣請針
之胎遂墮男形而色黑此妊娠足腫之說見於古者
今巢氏病源中但有子煩之論千金并產寶方亦略
言之劉禹錫續傳廣信方以爲妊婦有水氣而成胎
太平聖惠亦言之皆非也元豐中淮南陳景初名醫
也獨有方論治此病方名初謂之香附散李伯時易
名曰天仙藤散也

薛前證若胸滿腹脹小便不通

遍身浮腫用鯉魚湯脾胃虛弱佐以四君子若面目
虛浮肢體如水氣用全生白朮散如未應用六君子
湯脾虛濕熱下部作腫用補中益氣加茯苓若飲食
失宜嘔吐泄瀉用六君子湯若腿足發腫喘悶不安
或指縫出水用天仙藤散脾胃虛弱兼四君子湯如
未應用補中益氣湯若脾肺氣滯用加味歸脾湯佐
以加味逍遙散 一妊婦每胎至五月肢體倦怠飲
食無味先兩足腫漸至遍身後及頭面此是脾肺氣
虛朝用補中益氣夕用六君子加蘇梗而愈凡治妊
娠毋泥月數但見某經證卽用本藥爲善 一妊婦

年三十八妊娠水腫以鯉魚湯加五苓散人參濕加
蒼朮壹錢厚朴陳皮五分蘿蔔子炒車前子滑石各
壹錢作一貼若喘急加苦葶塵小便不利加木通燈
草甚者車前子濟川散其濕毒自消防已治腰已下
濕熱腫如內傷胃弱者不可用也

天仙藤散

天仙藤

洗畧炒

香附子

炒

陳皮

甘草

烏藥

不必天台者但得
軟白辛而香者良

右等分淨秤爲細末每服叁錢水壹大盞薑叁片
木瓜叁片紫蘇叁葉同煎至柒分放溫澄清空心

食前服日三服小便利氣脉通體輕腫漸消更不

須多服

元豐末王荆公居金陵舉家病以詩贈景初曰舉族貧兼病煩君藥石功到家何所

寄一一問征鴻因此見方得於李伯時家傳方錄于臨川張右丞宅

產實療妊娠身腫有水氣心腹脹滿小便少

茯苓

肆兩

杏仁

檳榔

各叁兩

旋覆花

郁李仁

各壹兩

右為粗末以水陸升煮取二升去滓分温三服小

便通即瘥

崔氏療妊娠體腫有水氣心腹急滿

茯苓

白朮

各肆兩

旋覆花

貳兩

杏仁

黃芩 各叁兩

右細切以水柒升煮取貳升半分溫三服忌桃李

雀肉酢物

療妊娠遍身洪腫葶藶子散

葶藶子 壹兩

白朮 伍兩

茯苓

桑白皮

郁李仁 各貳兩

右為粗末水陸升煮取貳升分三服小便利即瘥

又方

澤瀉

葶藶 各貳兩

茯苓

枳殼

白朮 各陸兩

右細切以水陸升煮取貳升分温兩服小便利即瘥

澤瀉散 治妊娠氣壅身體腹脇浮腫喘急大便不

通小便赤澀宜服

澤瀉

木通

桑白皮

赤茯苓

枳殼

檳榔

各壹錢半

右作一服水貳鍾生薑五片煎至壹鍾食前服

防已湯 治妊娠脾虛通身浮腫心腹脹滿喘促小

便不利

防已

壹錢半

桑白皮

赤茯苓

紫蘇莖葉各貳錢 木香 半錢

作一服煎服法同前

千金鯉魚湯 治妊娠腹大胎間有水氣

白朮 伍兩 茯苓 肆兩

當歸

芍藥各叁兩

右細剉片以鯉魚壹尾修事如食法煮取汁去魚不用每服肆錢入魚汁壹盞半生薑柒片橘皮少許煎至柒分去滓空心服集驗同

腎著湯 治妊娠腰脚腫

茯苓 白朮 各肆兩

乾薑

甘草 各貳兩

杏仁 叁兩

右咬咀每服肆錢水壹盞半煎至柒分食前服

指迷五皮散 治胎水尋常脾虛腫滿亦治

大腹皮

桑白皮

生薑皮

茯苓皮

橘皮 各等分

右咬咀每服半兩水貳盞濃磨木香水壹呷同煎
至捌分去滓空心溫服亦治男子脾虛腫滿

治妊娠兩脚浮腫名曰脆脚因脾衰不能制水血化
成水所致用生料平胃散薑棗水煎服或爲末紫蘇
葉煎湯調下

全生自米散 治妊娠面目虛浮如水腫狀

白米 壹兩

生薑皮

大腹皮

茯苓皮

陳皮

各半兩

右爲細末每服貳錢米飲調下不拘時

子却治妊娠從脚上至腹腫小便不利微渴豬苓伍兩爲末以熟水服方寸七日三服

丹子腫多濕用山梔一撮米飲吞下

腹內鐘鳴

大治孕婦腹內鐘鳴用鼠窟前後土爲細末研麝香酒調下貳錢其產婦立愈

補遺治孕婦腹中兒哭用川黃連濃煎汁令母常呷之

薛按產寶云小兒在腹中哭其治法亦用空房中鼠穴土或黃連煎濃汁飲之卽止想卽是證又云臍帶上疔瘡兒含口中因妊婦登高舉臂脫出兒口以此作聲令妊婦曲腰就地如拾物狀仍入兒口卽止然黃連性寒麝香開竅當酌量用之

積聚

素黃帝問曰婦人重身毒之何如岐伯曰有故無殞亦無殞也帝曰願聞其故何謂也岐伯曰大積大聚其可犯也衰其大半而止過者死至真要論

丹血塊如盤有孕難服峻劑此方主之

香附子

醋煑肆兩

桃仁

去皮尖壹兩

海粉

醋煑貳兩

白朮

壹兩

右為末麵糊丸服

孕癰

治孕癰立効

烏藥

研出洪州軟白香辣者良

右用伍錢水壹盞牛皮膠壹片同煎至柒分温服
補遺治孕中有癰 薏苡仁煮汁飲之

薛按孕癰卽是腹內患癰如前法不應宜用牡丹皮
散 或薏苡仁湯 方見外科內癰

傷食

大經云飲食自倍腸胃乃傷又云陰之所生本在五
味陰之五宮傷在五味若妊子飲食不節生冷毒物
恣性食噉致傷脾胃故妊娠傷食最難得藥唯此二
方最穩捷木香丸
白朮散薛東垣先生云脾胃之氣壯則
過時而不饑多食而不傷蓋胃主司納脾主消化五
臟之本也然食倍而傷者乃脾氣虛而不化也若投
以峻劑則脾胃復傷而胎亦損矣當審其所因而調
治之若飲食停滯或肚腹作痛用平胃散嘔吐惡心
加枳殼砂仁吞酸噎腐加黃連叁分吳茱萸貳分腹

滿泄瀉用六君子湯停滯肉食倍加山查停滯麵食
倍加麥蘖停滯糯食用白酒麴末一味米食停滯倍
加穀蘖魚腥所傷倍加陳皮傷辛熱之物加黃連傷
性冷之物加砂仁木香如不應更加肉豆蔻補骨脂
再不應四神丸若脾氣下陷用補中益氣湯凡噁
覺藥氣且戒藥餌節飲食經云損其脾者調其飲食
適其溫寒大凡脾胃虛弱飲食難化以白朮陳皮爲
末等分陳麴糊丸常服最善枳朮丸但可暫用枳實
峻厲能耗真氣治者慎之 一妊娠因停食服枳朮
丸胸腹不利飲食益少更服消導寬中之劑其胎下

墜奈謂此脾氣虛而不能承載也用補中益氣及六君子湯中氣漸健其胎漸安又用八珍湯加柴胡升麻調理而痊

木香丸 治婦人有孕傷食

木香 貳錢

三稜

人參

白茯苓 各叁錢

右爲細末麪糊丸如菉豆大熟水吞叁肆拾丸

白朮散 治妊娠氣不調和飲食易傷

白朮 炒

乾紫蘇 各壹兩

人參

白芷 炒各柒錢半

川芎

訶子皮

青皮 各半兩

甘草 貳錢半

右為末每服貳錢水壹盞薑叁片煎至柒分溫服

局方小七香丸 雜傷飲食 保氣散 坐月 二方治傷食良効

鄭氏勝金散 治妊婦因食傷胎傳於脾胃氣虛冷

逼小腹脹痛或膏重大便秘

吳茱萸 酒浸

淨陳皮

川芎

乾薑 炮

生薑 切焙各壹錢半

炙甘草

厚朴 薑製各叁錢

細末每服叁錢陳米飲下入鹽煎尤妙濟生加砂

仁

中惡

大夫妊娠忽然心腹刺痛悶絕欲死者謂之中惡邪惡之氣中胎傷於人也所以然者血氣自養而為精神之主若血氣不和則精神衰弱故邪毒之氣得以中之妊娠之病亦致損胎也薛前證當調補正氣為善用金銀藤一味煎湯飲之

當歸散 治妊娠中惡心腹疔痛

當歸

丁香

川芎

各叁兩

青橘皮

貳兩

吳茱萸

半兩去梗湯泡叁次炒黑

右為細末無時温酒調壹錢

又方 生乾地黄 壹兩 枳殼 木香 各柒錢半 爲細末每

服壹錢酒調下

又方 苦梗 貳兩細剉畧炒 生薑 半兩 水煎服之

補遺 治妊娠中惡心腹絞急切痛如鬼擊之狀不

可按摩或吐血或衄血者用熟艾 如拳大 煮汁頻服

又方 用鹽壹盞水貳盞調和服以冷水嚥之吐出

卽安

又方 竈心土爲末每貳錢并水調服白湯調亦可

又法 取汗衣用男子貼體久染汗者佳燒灰存性

百沸湯調服

中風

大論曰夫四時八方之氣爲風也常以冬至之日候之若從其鄉來者長養萬物若不從其鄉來者名爲虛邪賊害萬物人體虛則中之若風邪客於皮膚入於經絡卽頑痺不仁若入於筋脉挾寒則攣急喎僻挾溫則弛縱若入臟腑則恍惚驚悸凡五臟俞皆在背臟腑虛寒邪皆從俞而入隨所傷臟腑經絡而爲諸病妊娠中風若不早治則令墮胎也

薛按病機

機要云風本爲熱熱勝則風動宜以靜勝其躁是亦養血也治法須少汗亦宜少下多汗則虛其衛多下

則損其榮雖有汗下之戒而有中臟中腑之分中腑者多著四肢則脉浮惡寒拘急不仁中臟者多著九竅則唇緩失音耳聾鼻塞日晡便秘中腑者宜汗之中臟者宜下之表裏已和宜治在經當以大藥養之此中風之要法妊婦患之亦當以此施治而佐以安胎之藥

防風散 治妊娠中風卒倒心神悶亂口噤不能言

四肢急強

防風 去蘆

葛根

桑寄生 各壹兩

羚羊角屑

細辛 去苗

當歸 去蘆

甘菊花

漢防已 去皮

秦艽 去蘆

桂心

茯神 去木

甘草 炙各半兩

右爲哎咀每服捌錢水壹中盞半生薑伍片煎至

壹大盞去滓入竹瀝半合攪勻溫服無時

生犀角散 治妊娠卒中風不語四肢強直心神昏

憤

生犀角屑

麻黃 去節各壹兩

防風 去蘆

赤箭

羌活

當歸

人參 各去蘆

葛根

赤芍藥 各柒錢半

甘草 炙

秦艽 各半兩

石膏 壹兩半

右為咬咀每服捌錢煎服法如前

防已散 治妊娠中風口眼喎斜手足頑痺

防已 去皮

羌活

防風 各去蘆

麻黃 去節

黃松木節

羚羊角 屑各壹兩

桂心

荆芥穗

薏苡仁

桑寄生

甘草 炙各半兩

右咬咀每服五錢水壹中盞半生薑五片煎至壹

大盞去滓溫服不拘時候

獨活散 治妊娠因洗頭中風身體強硬牙關緊急

失音不語並皆治之

獨活 去蘆

赤箭

麻黃 去節

阿膠 各壹兩

烏犀角屑

羌活 去蘆

防風 去蘆

天蓼朮

白附子 炮各柒錢半

漢防已 去皮

桂心

芎藭

白僵蠶 微炒 各半兩 龍腦 貳錢半 細研

右為細末入研藥令勻每服貳錢薄荷湯調下不

拘時

白僵蠶散 治妊娠中風口噤心膈痰涎壅滯言語

不得四肢強直

白僵蠶 炒

天麻

獨活 去蘆各壹兩

麻黃 去節壹兩半

烏犀角屑 柒錢半

白附子 炮

半夏 湯洗柒次薑製

天南星 炮

藿香 各半兩

龍腦 貳錢半研

右為細末入研藥令勻每服壹錢生薑薄荷湯調

下不拘時日三服

赤箭丸 治妊娠中風手足不隨筋脉緩急言語蹇

澁皮膚不仁

赤箭

草薺 酒浸

麻黃 去節

獨活 去蘆

鼠黏子

熟乾地黄

羚羊角 屑各壹兩

阿膠 炒

防風 去蘆

芎藭

當歸炒去蘆

薏苡仁

五加皮

秦艽去蘆

漢防己去皮

柏子仁

酸棗仁炒

丹參去蘆各柴錢半

右爲細末煉蜜和搗三五百下丸如梧子大每服
叁拾九荳淋酒送下食前

白朮酒 治妊娠中風口噤語言不得

白朮壹兩半

獨活壹兩

黑豆壹合炒

右細剉以酒叁升煎取壹升半去滓温分四服口
噤者拗口灌之得汗卽愈

治妊娠因感外風如中風狀不省人事

熟艾 參兩

陳米醋炒令極熟以絹帛裏熨臍下

良久卽省

風痙 痙

大妊娠體虛受風而傷太陽之經絡後復遇風寒相搏發則口噤背強名之曰痙又云痙其候昌悶不識人須臾自醒良久復作謂之風痙一名子痙亦名子

昌甚則反張

薛前證若心肝風熱用釣藤湯胎動肝

脾血虛加味逍遙散

調經肝脾鬱怒加味歸脾湯雜健忘

氣逆痰滯紫蘇飲肝火風熱釣藤散

眩暈脾鬱痰滯二

陳薑汁竹瀝若兼證相雜當參照子煩門

羚羊角散

治妊娠昌悶角弓反張名曰子痙風痙

羚羊角 鎊

獨活

酸棗仁 炒

五加皮

薏苡仁

炒

防風

當歸

酒浸

川芎

茯苓

去木

杏仁

去皮尖
各五分

木香

甘草

炙各
五分

右薑水煎服

小品療妊娠忽悶眼不識人須臾醒復發亦有不醒

者名爲痙病亦名子癇亦名子昌宜葛根湯 若

竹近可速辦者當先作瀝汁次辦湯也其竹遠不

可卽辦者當先辦湯此二療會得其一種竹瀝偏

療諸痙絕起死也非但偏療妊娠產婦絕死者有

効小兒或癇痙金瘡發痙療之亦驗

葛根湯方 治妊娠臨月因發風痙悶憤不識人吐

逆眩倒小醒復發名曰子癇

葛根

貝母 去心

牡丹皮

木防已

防風

當歸

川芎

白茯苓

桂心 熬

澤瀉

甘草 各貳兩

獨活

石膏 碎

人參 各參兩

右細切以水九升煮取參升分三服貝母令人易產若未臨月者以升麻代之忌海藻菘菜酢物按此方犯桂與牡丹不如羚羊角散之安

羌活酒

治妊娠中風瘓口噤四肢強直角弓反張

羌活

去蘆壹兩半

防風

去蘆壹兩

黑豆

壹合炒去皮

右二味爲咬咀好酒五升浸壹宿每服用黑豆壹

合炒令熟投入藥酒壹大盞候沸卽住去滓分兩

服灌之

丹治一婦人懷妊六月發癰手足揚直面紫黑色合

眼涎出昏憤不醒人事半時而醒醫與震靈丹五十

餘貼其疾時作時止無減證直至臨產方自愈產一

女蓐中子母皆安次年其夫疑丹毒必作求治之診

其脉浮取弦重取濇按至骨則沉實帶數時正二月

因未見其癩發正狀未敢與藥意其舊年癩發時乃
五月欲待其時度此疾必作當番諦施治至五月半
其疾果作皆是午巳兩時遂教以自製防風通聖散
用生甘草加桃仁多紅花少或服或吐至四五劑疾
漸疎而輕後發爲疥而愈

大和

卷四

頁五

石經堂

瘈瘲

薛瘈者筋脉急而縮也瘲者筋脉緩而伸也一縮一伸手足相引搐搦不已大抵與嬰孩發搐相似謂之瘈瘲也此證多屬風蓋風主搖動駱龍吉云心主脉肝主筋心屬火肝屬木火主熱木主風風火相熾則爲瘈瘲也治法若因風熱用釣藤湯加柴胡山梔黃芩白朮以平肝木降心火養氣血若風痰上涌加竹瀝南星半夏若風邪急搐加全蠍僵蠶虧損氣血用八珍湯加釣藤山梔爲主若無力抽搐戴眼反折汗出如珠者肝絕也皆不治 一妊婦四肢不能伸服

祛風燥血之劑遺尿痰甚四肢抽搐余謂肝火血燥
用八珍湯加炒黑黃芩爲主佐以釣藤湯而安後因
怒前證復作小便下血寒熱少寐飲食少思用釣藤
散加山梔柴胡而血止用加味逍遙散寒熱退而得
寐用六君子湯加芍藥釣藤鈎飲食進而漸愈

釣藤湯

見胎動不安

釣藤散

眩暈

眩暈

消風散 治妊娠肝臟熱毒上攻太陽穴胸膈涎壅

頭旋目暈或腮項腫核

石膏 煨

防風 去蘆

川羌活 去蘆

甘菊花 去梗

川芎

羚羊角 鎊

當歸 酒浸去蘆

大豆黃卷 炒

荆芥穗

白芷 各壹錢

炙甘草 半錢

右作一服水貳鍾好芽茶半錢煎至壹鍾食遠服

犀角散 治妊娠婦人諸風熱困倦時發昏眩

犀角

揀參

山梔仁

川羌活

黃連

青黛

川芎

吳白芷

茯苓

甘草

炙各壹錢

右作一服水貳鍾生薑參片竹葉柴葉煎至壹鍾

食遠服

驚悸

吳丞妻孕而驚遂病悸醫以為病在中神越焉無可為沈宗常以為膽傷耳俾服抱膽丸而愈

大聖散 治妊娠怔悸睡裏多驚腹脇膨脹坐臥不

甯

白茯苓 去皮

麥門冬 去心

黃芪 去蘆 蜜炙

當歸 去蘆 酒浸

川芎 各壹錢半

木香 不見火

人參

甘草 炙各壹錢

右作一服水二鍾生薑伍片煎至壹鍾服無時

抱膽丸 雜病癩

瘖

大全孕婦不語非病也間有如此者不須服藥臨產月但服保生丸四物湯之類產下便語得亦自然之理非藥之功也醫家不說與人臨月則與尋常之藥產後能語則以爲醫之功豈其功也哉 黃帝問曰人有重身九月而瘖此爲何也岐伯對曰胞之絡脉絕也帝曰何以言之岐伯曰胞絡者繫於腎少陰之脉貫腎繫舌本故不能言帝曰治之奈何岐伯曰無治也當十月復 郝翁治驗見前候胎條

煩口乾附

大全妊娠苦煩悶者以四月受少陰君火氣以養精
六月受少陽相火氣以養氣若母心驚膽寒多有煩
悶名曰子煩也產寶云夫妊娠而子煩者是肺臟虛
而熱乘於心則令心煩也停痰積飲在心胸之間或
衝於心亦令煩也若熱而煩者但熱而已若有痰飲
而煩者嘔吐涎沫惡聞食氣煩躁不安也大凡妊娠
之人既停痰積飲又寒熱相搏氣鬱不舒或煩躁或
嘔吐涎沫劇則胎動不安均謂子煩也薛前證若
因內熱用竹葉湯氣滯用紫蘇飲痰滯用二陳白朮

黃芩枳殼氣鬱用分氣飲加川芎脾胃虛弱用六君
 紫蘇山梔 一妊婦煩熱吐痰惡食惡心頭暈此脾
 虛風痰為患用半夏白朮天麻湯雜眩以補元氣祛
 風邪漸愈惟頭暈未痊乃用補中益氣湯加蔓荊子
 以升補陽氣而愈

竹葉湯 治妊娠心驚膽怯終日煩悶名曰子煩

白茯苓 叁錢

防風

麥門冬 去心

黃芩 各貳錢

右作一服水貳鍾竹葉五片煎至壹鍾無時服

竹瀝湯出外臺秘要與前竹葉湯同內有竹瀝壹合

無竹葉 又方有知母無黃芩

竹茹湯 療妊娠煩躁或胎不安

用淡青竹刮茹壹兩 以水壹大升煮取肆合徐徐

服盡為度

知母飲 治妊娠心脾壅熱咽膈渴苦煩悶多驚

知母

麥門冬去心

赤茯苓各壹錢半

黃芩

黃芪各貳錢

甘草壹錢

右作一服水貳鍾入桑白皮半錢煎至壹醞再入

竹瀝些少同煎二三沸服無時

麥門冬湯 治妊娠心驚膽怯煩悶名曰子煩

麥門冬 去心

白茯苓

防風 各叁錢

人參 壹錢半

右作一服水貳鍾生薑伍片淡竹葉拾葉煎至壹鍾去滓不拘時服

麥門冬散 治妊娠心煩憤悶虛躁吐逆惡聞食氣頭眩四肢沉重百節疼痛多臥少起

麥門冬 去心

子芩

赤茯苓 各壹兩

茯神

赤芍藥

陳皮

人參

苦梗

桑寄生

甘草

旋復花 各半兩

生地黄 柒錢半

右爲粗末每服肆錢水壹盞薑壹錢煎至柒分不
拘時溫服

又方

麥門冬

苧根

各叁兩

黃芩

茯神

各壹兩

甘草

炙

犀角屑

各半兩

右咬咀每服肆錢水壹盞生地黃壹分淡竹葉伍
片煎至陸分去滓溫服效

柴胡散 治妊娠心煩頭目昏重心胸煩悶不思飲
食

柴胡

壹兩半

赤茯苓

麥門冬

各壹兩

枇杷葉 去毛

人參

橘紅

甘草 各半兩

咬咀每服肆錢水壹盞薑叁片煎至柒分服

人參散 治妊娠熱氣乘於心脾津液枯少煩躁壅

熱乾渴

人參

麥門冬

赤茯苓

地骨皮

家乾葛

黃芩

犀角屑 各柒錢半

甘草 半兩

右咬咀每服叁錢水壹盞煎至陸分去滓溫服

治妊娠心煩熱不止

葱白 壹握

豉 貳合

右以水貳大盞煎至壹盞半去滓温分三服

一母丸 治妊娠因服藥致胎氣不安有似虛煩不

得臥巢氏謂之子煩也 出產乳

知母

貳兩
洗焙

右爲細末以棗肉爲丸如彈子大每服壹丸煎人

參湯送下 醫者不識此證作虛煩治之損動胎

氣宜矣

煩躁口乾夫足太陰脾之經也其氣通於口手少陰
心之經其氣通於舌若妊娠之人臟腑氣虛榮衛不

理陰陽膈絕熱乘於心脾津液枯少故令心煩而口乾也

薛前證若胃經實火用竹葉石膏湯若胃經虛熱用人參黃芪散若胃經氣虛用補中益氣湯若肺經虛熱用紫蘇飲若肝經火動用加味逍遙散若脾氣鬱結用加味歸脾湯若腎經火動加味地黃丸

一妊婦煩熱兼咽間作痛用知母散加山梔以清肺經而愈後內熱咳嗽小便自遺用補中益氣加麥門山梔以補肺氣滋腎水而痊

升麻散 治妊娠壅熱心神煩躁口乾渴逆

川升麻 瓜蒌根 黃芩 人參

麥門冬 柴胡 梔子仁 犀角屑

茯苓 各壹錢 知母 甘草 各半錢

右作一服水貳鍾煎至壹鍾不拘時服

知母散 治妊娠煩躁悶亂口乾及胎臍熱

知母 麥門冬 甘草 各半兩 黃芪

子芩 赤茯苓 各柒錢半

右咬咀每服肆錢水壹盞煎至柒分去滓入竹瀝

壹合更煎三二沸溫服

葛根散 治婦人妊娠數月胸膈煩躁唇口乾渴身

熱少食

家葛根野者不用

黃芩

人參

萎蕤

黃芪

麥門冬

甘草

等分
咬咀

右每服肆錢水壹盞竹茹壹團如錢大煎七分温服無時

人參黃芪散

治妊娠身熱煩躁口乾食少

人參

黃芪

家葛根

麥門冬

赤茯苓

秦艽

各壹兩

知母

柒錢半

甘草

半兩

每服肆錢薑水竹葉煎服

補遺人參白朮散

黃耆六一湯皆良

治子煩口乾不得臥用黃連

去鬚細末
每服壹錢

粥飲調下

吐血衄血咳唾血

大妊娠吐血者皆由臟腑有傷凡憂思驚怒皆傷臟腑氣逆於上血隨而溢心悶胸滿久而不已心悶甚者死妊娠病此多墮胎也

薛前證若肝經怒火先用小柴胡山梔生地次用前藥合四物後用加味道

遙散調經肝經風熱防風子芩丸胎漏心經有熱朱砂

安神丸雜虛心氣不足補心湯驚悸思慮傷心妙香散

全上胃經有火犀角地黄湯吐血膏梁積熱加味清胃

散齒鬱結傷脾加味歸脾湯健忘肺經有火黃芩清肺

飲淋因氣鬱滯紫蘇飲胎上逼氣不攝血用補中益

胎前吐血衄血等

氣湯腎經虛火加味六味丸 雜病虛勞

局方必勝散 治男子婦人血妄流溢吐血衄血嘔

血咯血

熟乾地黄

小薊 并根用

人參

蒲黃 微炒

當歸 去蘆

芎藭

烏梅肉 各壹兩

右件藥搗羅為麤散每服五錢水壹盞半煎至柒

分去滓溫服不拘時

治吐血不止

馬氣勃用生布擦為末濃米飲調下

針灸
咳唾
血

治鼻衄以白茅花濃煎汁服

心妊孕寒熱往來咳嗽血痰或嘔吐不食無力或喘

滿乳脊相應痛或口中唾如霜雪出語無聲或耳鳴

或痰涎日夜數碗誤用熱藥之故也刺 風門 翳

戶各伍分 支溝 間使各相透

如寒熱未解百節痠癢昏憤再取 經骨伍分 太溪

叁分

如脉氣未平瀉 太淵 太白各貳分 熱府

已上穴實瀉虛補治產前病立効此病安後半年

必有一變四肢消瘦單腹腫脹卽取陰交一穴去

其惡物也

欬嗽

大全夫肺內主氣外司皮毛皮毛不密寒邪乘之則
欬嗽秋則肺受之冬則腎受之春則肝受之夏則心
受之其嗽不已則傳於腑妊娠病久不已則傷胎也

薛前證若秋間風邪傷肺用金沸草散雜欬夏間

火邪尅金用人參平肺散雜喘冬間寒邪傷肺用人

參敗毒散雜傷春間風邪傷肺用參蘇飲雜發若脾

肺氣虛用六君芎歸桔梗若血虛四物桑白皮杏仁

桔梗腎火上炎用六味丸雜虛加五味子煎服脾胃

氣虛風寒所傷用補中益氣雜勞加桑皮杏仁桔梗

蓋肺屬辛金生於巳土嗽久不愈者多因脾土虛而不能生肺氣而腠理不密以致外邪復感或因肺氣虛不能生水以致陰火上炎所致治法當壯土金生腎水爲善 一妊娠氣喘痰甚諸藥不効素有帶下始於目下浮兩月餘其面亦然此氣虛而有痰飲也用六味丸料數劑而愈 一妊婦嗽則便自出此肺氣不足腎氣虧損不能司攝用補中益氣湯以培土金六味丸加五味以生腎氣而愈 一妊婦咳嗽其痰上湧日五六碗許諸藥不應予以爲此水汎爲痰用六味丸料及四君子湯各一劑稍愈數劑而安

一妊婦因怒咳嗽吐痰兩脇作痛此肝火傷肺金以
小柴胡湯加山梔枳殼白朮茯苓治之而愈但欲作
嘔此肝侮脾也用六君子加升麻柴胡而痊

欵冬花散 治妊娠心膈痰毒壅滯肺氣不順咳嗽

頭疼

欵冬花

麻黃

貝母煨

前胡

桑白皮

紫苑各半兩

旋復花

白朮

甘草各貳錢半

石膏壹兩

右咬咀每服肆錢水壹盞薑叁片煎至柒分去滓

溫服

苦根散 治妊娠肺壅咳嗽喘急

桔梗

紫蘇

人參

桑白皮

貝母

甘草

各半兩

天門冬

去心

赤茯苓

各壹兩

麻黃

柒錢半

每服肆錢水貳鍾生薑叁片煎至壹鍾不拘時服

馬兜鈴散 治妊娠胎氣壅滯咳嗽喘急

馬兜鈴

桔梗

人參

甘草

貝母

各半兩

陳皮

去白

大腹子

桑白皮

紫蘇

各壹兩

五味子

貳錢半

右咬咀每服肆錢薑叁片水煎

麻黃散

治妊娠外傷風冷痰逆咳嗽不食

麻黃

去節

陳皮

去白

前胡

各壹兩

半夏

湯洗炒

人參

白木

枳殼

炒

貝母

甘艸

各半兩

咬咀每服肆錢葱白五寸薑叁片棗壹枚水煎服

百合散

治妊娠風壅咳嗽痰多喘滿

百合

蒸

紫苑茸

洗

白芍藥

赤茯苓 去皮

桔梗 炒

前胡 各去蘆

貝母 去心各壹錢半

甘草 伍分

作一服水貳鍾薑伍片煎至壹鍾不拘時服

紫苑湯 治妊娠咳嗽不止胎不安

紫苑 壹兩

桔梗 兩半

甘草

杏仁

桑白皮 各貳錢半

天門冬 壹兩

右咬咀每服叁錢竹茹壹團水煎去滓入蜜半匙再煎一兩沸溫服

局方華蓋散治妊娠咳嗽不止穩重有效 見雜病咳嗽

喘

呂滄洲治經歷哈散侍人病喘不得卧衆作肺氣受風邪治之呂診之氣口盛于人迎一倍厥陰弦動而疾兩尺俱短而離經因告之曰病蓋得之毒藥動血以致胎死不下奔迫而上衝非風寒作喘也乃用催生湯加芎歸煮二三升服之夜半果下一死胎喘卽止哈散密囑曰病妾誠有懷以室人見嫉故藥去之衆所不知也衆慚而去

平安散 治妊娠上氣喘急大便不通嘔吐不食腹脇脹痛

川芎

木香 各壹錢半

陳皮

熟地黄 洗

乾薑 炮

生薑

厚朴 去粗皮製炒

甘草 各壹錢

右作一服水貳鍾入燒鹽壹捻煎至壹鍾不拘時

服

桔梗湯

馬兜鈴散 並見前咳嗽條

瘧

大妊娠病瘧乃夏傷於暑客於皮膚至秋而發陽盛則熱陰盛則寒陰陽相離寒熱俱作其發晏者由風邪客於風府循脊而下衛氣至一日一夜常大會於風府故發日晏其早者衛氣之行風府日下一節二十一日下至尾骶二十二日入脊內上注於伏衝之脉其行九日出缺盆其氣既止故發更早其間日發者風邪內搏五臟橫連募原其道遠其氣深其行遲不能日作也妊娠而發多傷於胎 薛前證因脾胃虛弱飲食停滯或外邪所感或鬱怒傷脾或暑邪所

伏審係飲食停滯用六君子加桔梗蒼朮藿香外邪

多而飲食少用藿香正氣散雜病中風外邪少而飲食多

用人參養胃湯雜瘧勞傷元氣用補中益氣湯雜勞

若鬱怒所傷用小柴胡湯傷寒少陽病兼歸脾湯健忘若木

侮土久而不愈用六君子為主佐以安胎藥仍參三

陰三陽經而治之 一婦人因怒患瘧舉發無期久

而不已胸腹不利飲食少思吞酸吐痰用六君子加

柴胡山梔二十餘劑尋愈但晡熱少食又用四君子

加柴胡升麻為主佐以逍遙散而痊 一妊婦瘧久

不已噯氣下氣胸腹膨脹食少欲嘔便血少寐此屬

肝脾鬱怒用歸脾湯加柴胡山梔漸愈又用六君子湯加柴胡山梔升麻而愈 一妊婦患瘧已愈但寒熱少食頭痛晡熱內熱此脾虛血弱也用補中益氣湯加蔓荊子頭痛頓止又用六君子湯加芎歸飲食頓進再用逍遙散加參朮而寒熱愈

驅邪散 治妊娠停食感冷發為瘧疾

白朮

草薹仁

高良薑炒

縮砂仁

藿香葉

橘紅

白茯苓

去皮各壹錢半甘草炙伍分

右作一服水貳鍾生薑伍片紅棗壹枚煎壹鍾不

拘時服

七寶散 治男婦一切瘧疾或先寒後熱或先熱後

寒或寒多熱少或熱多寒少或一日一發或一日

兩三發或連日發或間日發或三四日一發不問

鬼瘧食瘧不伏水土山嵐瘴氣似瘧者並皆治之

常山

厚朴 薑製

青皮

陳皮

並不
去白

甘艸

檳榔

草果

去皮各
等分

咬咀每服半兩於未發隔夜用水酒各壹盞煎至

壹大盞去滓露一宿再用酒水煎滓一次去滓亦

露一宿來曰當發之早盪盪面東先服頭藥少頃
再服藥滓大有神効 予嘗治一妊婦六七個月
患瘧先寒後熱六脉浮緊醫用柴胡桂枝無効予
曰此非常山不愈衆醫難之越數日疾甚乃從予
治以七寶散一服瘧黃帝問婦人重身毒之柰何
岐伯曰有故無殞帝曰何謂也岐伯曰大積大聚
其可犯也衰其大半而止誠審藥物之性明治療
之方何疑攻治哉

柴胡散 治妊娠瘧疾

柴胡 貳錢

生大黃 貳錢

生黃芩 壹錢半

甘艸 壹錢

右咬咀作壹服水煎臨發日五更溫服必取利爲愈如胎上逼心可服枳殼散忌油麵辛熱等物

又方

用大黃 貳兩 柴胡 壹兩半 黃芩 壹兩 芍藥 壹兩 爲細

末清水糊爲丸如梧桐子大每服百丸臨發日五

更冷湯吞下隔兩時再服伍拾丸以利爲度 若

妊娠瘧疾發熱口乾渴飲無度者亦用生地黃 壹兩

半黃芩麥門冬 去心 人參知母 各壹兩 石膏 貳兩 甘草

兩乾葛 壹兩 右咬咀每服伍錢入烏梅 半箇 煎服

又方

用常山

壹兩

石膏

兩

甘草

炙

黃芩

各半兩

烏梅

柒個

細切以水酒各壹椀浸一宿平旦煎至壹椀去滓分二服臨發時服

右方犯常山大黃吐下之劑若六脉浮緊有力中有頑痰積熱者用之所謂有故無殞也其他療治方法已備雜證瘧門茲不贅若熱甚恐致動胎者亦如傷寒熱病治法以白藥子伏龍肝等塗臍上下可也

大和

卷四

頁四

石

霍亂

大夫飲食過度觸冒風冷陰陽不和清濁相干謂之霍亂其間或先吐或腹痛吐利是因於熱也若頭痛體疼發熱是挾風邪也若風折皮膚則氣不宜通而風熱上衝爲頭痛苦風入腸胃則洩利嘔吐甚則手足逆冷此陽氣暴竭謂之四逆妊娠患之多致傷胎也薛按前證若因內傷飲食外感風寒用藿香正氣散若因飲食停滯用平胃散果脾胃頓傷陽氣虛寒手足逆冷者須用溫補之劑治當詳審毋使動胎也一妊婦霍亂已止但不進飲食口內味酸泛行

消導寬中余曰此胃氣傷而虛熱也當用四君子湯
 彼不信乃服人參養胃湯嘔吐酸水其胎不安是藥
 復傷也仍與四君子湯俾煎熟令患者先嗅藥氣不
 作嘔則呷少許恐復嘔則胎為鈞動也如是旬餘愈
 人參白朮散

白朮

茯苓

人參

甘草

木香

藿香

各半兩

乾葛

壹兩

為末沸湯調服貳錢吐甚者加生薑汁頻頻飲之
 人參散 治妊娠霍亂吐瀉心煩腹痛

人參

厚朴

薑製

橘紅

各貳錢

當歸炒

乾薑

甘草

炙各壹錢

作一服水貳鍾薑叁片紅棗叁枚煎壹鍾服無時

白朮散

治妊娠霍亂腹痛吐利不止

白朮

炒

益智仁

枳殼

麩炒

橘紅

各柒錢半

草豆蔻

煨去皮

良薑

炒各半兩

右為散每服叁錢水煎入薑半分去滓溫服無時

木瓜煎 治妊娠霍亂吐瀉轉筋入腹則悶絕

吳茱萸

湯泡柒次

生薑

切各柒錢半

木瓜

切壹兩半

一方有藿香

柒錢半

甘草

壹錢

茱萸

半兩

加紫蘇煎

右細剉水貳盞煎壹盞貳分去滓分三服熱服

無時

縮脾飲 解伏熱除煩渴消暑毒止吐利霍亂之後

服熱藥太多致煩躁宜沉井水中候冷頻頻服

草果仁

肆兩

烏梅肉

叁兩

甘草

貳兩半

右哎咀每半兩水壹椀薑拾片煎捌分沉冷服

妊娠霍亂腹痛四肢冷逆汗出脉虛弱者理中湯治

之

右四方內用乾薑豆蔻茱萸俱大溫之劑若發熱

煩渴脉數陽證者服之即效宜用後方

竹茹湯

嘔吐

益元散

桂苓甘露飲

冬葵子湯

並雜

霍亂

泄瀉

薛米食所傷用六君加穀蘖麵食所傷用六君加麥

蘖肉食所傷用六君加山查若兼寒熱作嘔乃肝木

侮脾土用六君加柴胡生薑兼嘔吐腹痛手足逆冷

乃寒水侮土六君加薑桂不應用錢氏益黃散幼科脾臟

若元氣下陷發熱作渴肢體倦怠用補中益氣湯雜病

勞倦若泄瀉色黃乃脾土之真色用六君加木香肉果

若作嘔不食腹痛惡寒乃脾土虛寒用六君加木香

薑桂若瀉在五更侵晨飲食少思乃脾腎虛弱五更

服四神丸泄瀉日間服白朮散如不應或愈而復作或

飲食少思急用八味丸

雜虛勞

補命門火以生脾土為

善 邊太常側室妊娠泄瀉自用枳木黃連之類腹

悶吐痰發熱惡寒飲食到口即欲作嘔強匙許即吞

酸不快欲用祛痰理氣余曰此因脾胃傷而痰滯中

腕若治痰氣復傷脾胃矣遂以參朮炮薑為末丸如

黍粒不時含嚥三五丸漸加至三日後日進六君子

湯而尋愈 進士王繳徵之內懷妊泄瀉惡食作嘔

余曰脾氣傷也其夫憂之強進米飲余謂飲亦能傷

胃且不必強俟脾胃醒宿滯自化飲食自進不信別

用人參養胃湯飲之吐水酸苦又欲投降火寒藥余

曰若然則胃氣益傷也經云損其脾胃者調其飲食
適其寒溫後不藥果愈

加味理中湯

人參

白朮

白芍藥

白茯苓

乾薑

黃連

藿香葉

木香

訶子肉

肉果

甘艸

各壹錢

水貳鍾生薑叁片大棗貳枚煎壹鍾飢時服
餘方並詳第二卷泄瀉及雜病泄瀉門

女科

卷四

鼻

石經堂

滯下

薛治痢之法當參前篇其下黃水乃脾土虧損真色下陷也當升補中氣若黃而兼青乃肝木尅脾土宜平肝補脾若黃而兼白乃子令母虛須補脾胃若黃而兼黑是水反侮土矣必溫補脾胃若黃而兼赤乃心母益子但補中益氣若腸胃虛弱風邪客之用胃風湯或胎氣不安急補脾胃而自安矣凡安胎之藥當臨病制宜不必拘用阿膠艾葉之類 地官胡成甫之內妊娠久痢自用消導理氣之劑腹內重墜胎氣不安又用阿膠艾葉之類不應余曰腹重墜下元

氣虛也胎動不安內熱盛也遂用補中益氣湯而安
又用六君子湯全愈 壺仙翁治湯總兵夫人妊娠
病痢不止翁診其脉虛而滑兩關若濇此由胎氣不
和相火炎上而有熱似痢實非也乃用黃芩白朮以
安胎四物生地黃以調血數劑而安

當歸芍藥湯治妊娠下痢腹痛

即當歸芍藥散
見前心痛

本治婦人胎前產後赤白痢

生薑

年少者百錢老者
貳百錢取自然汁

鴨子 壹枚

右將鴨子打破傾入薑汁內攪勻煎捌分入蒲黃
參錢再煎五七沸空心熱服立効

無妊娠下痢赤白絞刺疼痛

雞子

壹枚烏雞者佳破孔傾出清留黃用之

黃丹

壹錢入鷄子殼內同

黃攪勻以厚帛糊牢鹽泥固濟火上煨焙乾為細末

右每服貳錢米飲調下一服愈者是男二服愈者

是女

大治妊娠素弱頻併下痢腹痛羸瘦面色痿黃不進

飲食

厚朴

壹兩半

白朮

熟地黃

川芎

白芍藥

當歸

乾薑

人參

各壹兩

訶子

叁錢

甘草

壹錢

右咬咀每服肆錢薑叁片水煎

又方 治妊娠下痢腹痛小便澁

當歸 黃芪 各壹兩

糯米 壹合

右細切和勻水煎分四服

羅大甯散 治妊娠下痢赤白灰色泄瀉疼痛垂死

者

黑豆 叁拾伍粒 粟殼 貳兩半 生半炒 甘艸 貳兩半 生半炒

右為粗末都作一服生薑叁片同煎食前服

挾熱治妊娠挾熱下痢亦治男子常痢

黃連 黃檗 各壹升 山梔仁 貳拾枚

右咬咀每服伍錢水貳盞浸二時久煮十餘沸頓

服 若嘔加陳皮 壹兩半 生薑 叁兩

黃連湯 治妊娠下痢赤白膿血不止

黃連 貳兩

厚朴 薑製

阿膠 炙

當歸

乾薑 各壹兩半

艾葉

黃檗 各壹兩

右為細末空心米飲調下方寸七日三服

鑿療妊娠白膿痢腹中冷

乾薑 肆兩

赤石脂 陸兩

粳米 壹升 炒黃

右用水柒升煎取貳升温分叁服

滯氣
厚朴散 治妊娠下痢黃水不絕

厚朴 薑炙 參兩

黃連 參兩

肉豆蔻 壹枚連皮用

右為麤末水煮頓服

草菓飲 治妊娠臟氣本虛脾胃少弱臟腑虛滑腹

臍疼痛日夜無度

厚朴 薑製 貳兩

肉豆蔻 壹箇麪裹煨

右咬咀每服參錢薑參片水同煎

大小便不通

〔大〕夫妊娠大小便不通由臟腑之熱所致若大腸熱則大便不通小腸熱則小便不利大小腸俱熱則大小便俱不通更推其因而藥之

〔薛〕前證若大腸血

燥用四物湯加條芩桃仁大腸氣滯用紫蘇飲加杏仁條芩腸胃氣虛用六君子加紫蘇杏仁肝脾蘊熱用龍膽瀉肝湯心肝虛熱用加味道遙散加車前子
亞卿李蒲汀側室妊娠大小便不利或用降火理氣之劑元氣反虛肝脉弦急脾脉遲滯視其面色青黃不澤余曰此鬱怒所致也用加味歸脾湯爲主佐

以加味逍遙散而安 主政王天成之內妊娠痢疾
愈後二便不通其家世醫自用清熱之劑未効余診
其脉浮大而濇此氣血虛也朝用八珍湯加桃仁杏
仁夕用加味逍遙散加車前子而瘥

小品療妊娠子淋大小便並不利氣急已服豬苓散
不瘥宜服甘遂散下之

甘遂散方 用泰山赤皮甘遂 貳兩 右一味爲末以

白蜜貳合和服如豆大壹粒覺心下煩得微下者
日一服下之後還服豬苓散不得下日兩服漸加

至半錢以微利爲度 經心錄同此藥
太峻不可輕用

豬苓散 療妊娠小便澀痛兼治胎水

豬苓

伍兩 去皮

為末白湯調方寸七加至貳七日三夜

二不瘥宜轉下之服前藥

葵子湯

古今錄驗

治妊娠得病六七日以上身熱入臍

大小便不利安胎除熱

葵子

貳升

滑石

肆兩 碎

右以水伍升煮取壹升去滓盡服須臾當下便愈

又方

葵子

壹合

川朴

貳兩

每服叁錢水煎溫服

治妊娠大小便不通心腹脹滿妨悶不欲飲食手足

煩熱

利大腸

檳榔

赤茯苓

大腹皮

木通

郁李仁

去皮尖

北五味

各壹兩

桑寄生

甘草

苦梗

各半兩

右爲粗末每服叁錢水壹盞煎至陸分溫服

治妊娠大小便不通熱閉心膈腹脇脹悶妨害飲食

大黃

木通

檳榔

各壹兩

枳殼

柴錢半

大腹子

叁枚

訶子

肆箇去核半生半煨

右爲末以童便壹盞蔥白二寸同煎至陸分調下

貳錢

當歸散

治胎前諸疾或因怒中氣衝子臟或衝脬

脉腹急肚脹腰腹時疼不思飲食四肢脬腫氣急時喘大便忽難小便忽澁產門忽腫

當歸 壹兩

赤茯苓

枳殼

白芍藥

川芎

各貳兩

川白薑

炮

木香

煨

粉草

各半兩

右咬咀每服叁大錢水壹瓊半生薑叁片煎至捌分去滓無時溫服 如稟受氣弱及南人枳殼減半如氣實及北人於內加分兩服之或連日大便秘澁加蜜同煎

初虞世治妊娠大便秘澁方

石經堂

枳殼 叁兩

防風 貳兩

炙草 壹兩

右為細末沸湯點服壹貳錢空心日三

又治虛羸大便秘方

枳殼 製

阿膠 炒各等分

右為細末煉蜜和劑杵貳叁千下丸如梧子大別
研滑石末為衣溫湯下貳拾丸半日來未通再服
叁拾丸止於伍拾丸

又方

車前子 壹兩

大黃 炒半兩

右為細末每服叁錢空心蜜湯調下

大腹皮湯 治妊婦大小便不通

枳殼

大腹皮

赤茯苓

各壹兩

甘草

貳錢

右為末蔥白湯調下貳錢

補遺局方八正散 治妊婦心經蘊熱臟腑秘結大

腸不通小便赤澁癰閉

見雜病淋

右陳良甫氏所錄諸方今並存之內甘遂朴硝非

至實至危不得已而為之不可輕用其它亦宜審

訂而用之仍味薛氏之說而參之以雜病諸方法

庶無誤也

女和

卷四

頁六

石經堂

小便不通

大妊娠小便不通爲小腸有熱傳於胞而不通耳若兼心肺氣滯則致喘急陳無擇云妊娠胎滿逼胞多致小便不利若心腎氣虛清濁相干則爲諸淋若胞系了戾小便不通名曰轉胞若胎滿尿出名曰遺尿

丹轉胞病胎婦稟受弱者憂悶多者性急躁者食味厚者大率有之古方皆用滑利踈導藥鮮有應効因思胞爲胎所壓展在一邊胞系了戾不通耳胎若舉起懸在中央胞系得踈水道自行然胎之墜下必有其由一日吳宅寵人患此脉之兩手似濇重取則

弦左手稍和予曰此得之憂患濇爲血少氣多弦爲
有飲血少則胞弱而不能自舉氣多有飲中焦不清
而隘則胞知所避而就下故喜墜遂以四物湯加參
朮半夏陳皮生甘草生薑空心飲隨以指探喉中吐
出藥汁候少頃氣定又與一貼次日亦然如是八貼
而安此法果爲的確恐偶中耳後有數人歷歷有效
未知果何如耶仲景云婦人本肌盛頭舉身滿今反
羸瘦頭舉中空臧胞系了戾亦致胞轉其義未詳必
有能知之者 一婦人四十一歲妊孕九箇月轉胞
小便不出三日矣下急脚腫不堪存活來告急予往

視之見其形瘁脉之右濇而左稍和此飽食而氣傷胎系弱不能自舉而下墜壓著膀胱偏在一邊氣急爲其所閉所以水竅不能出也轉胞之病大率如此予遂製一方補血養氣血氣旣正胎系自舉則不下墜方有安之理遂作人參當歸身尾白芍藥白朮帶白陳皮炙甘艸半夏生薑煎濃湯與四貼任其叫噉至次早又與四貼藥查作一貼煎令頓飲之探喉令吐出此藥湯小便立通皆黑水後就此方加大腹皮枳殼青蔥葉縮砂仁二十貼與之以防產前後之虛果得就蓐平安產後亦健 一婦人妊娠七八箇月

患小便不通百醫不能利轉加急脹診其脉細弱予
意其血氣虛弱不然水載其胎故胎重墜下壓住膀胱
下口因此溺不得出若服補藥升扶胎起則自下
藥力未至愈加急滿遂令一老婦用香油塗手自產
門入托起其胎溺出如注脹急頓解一面却以人參
黃芪升麻大劑煮服或少有急滿仍用手托放取溺
如此三日後胎漸起小便如故 薛前證亦有脾肺
氣虛不能下輸膀胱者亦有氣熱鬱結膀胱津液不
利者亦有金爲火爍脾土濕熱甚而不利者更當詳
審施治 司徒李杏岡仲子室孕五月小便不利諸

藥不應余曰非八味丸不能救不信別用分利之藥
肚腹腫脹以致不起 儒者王文遠室患此小腹腫
脹幾至於殆用八味丸一服小便滴瀝再以前丸之
料加車前子一劑卽利肚腹頓宛而安

仲問曰婦人病飲食如故煩熱不得臥而反倚息者
何也師曰此名轉胞不得溺也以胞系了戾故致此
病但利小便則愈宜腎氣丸主之卽八味丸方見雜
病虛勞每以酒下

拾伍丸至貳
拾丸日再服

產療小便不通及胞轉桑螵蛸搗末米飲服方寸七
日三

仲妊娠有水氣重身小便不利洒淅惡寒起卽頭眩
葵子茯苓散主之

葵子

茯苓

各參兩

右二味杵爲散飲服方寸七日三服小便利則愈

妊娠小便難飲食如故歸母苦參丸主之

當歸

貝母

苦參

各肆兩

右爲末煉蜜丸如小豆大飲服參丸加至拾丸男子

加滑石半兩

大治妊娠卒不得小便杏仁一味去皮尖搗丸如綠

豈大燈心湯吞柴丸立利

丹朱宅婦人三十餘歲懷胎四個月大小便閉因與
通利冬葵子等藥已通但氣未順此由性急血耗氣
亂須和其氣滋其血乃安

陳皮

青皮

芍藥 壹錢

人參

歸身尾

川芎

地黃

白朮

茯苓

木通

甘草

貳分

獨聖散 治妊娠小便不通

右用蔓荊子爲末每服貳錢食前濃煎葱白湯調

下

女和

卷四

頁三

石經堂

淋

大妊娠小便淋者乃腎與膀胱虛熱不能制水然妊婦胞繫於腎腎間虛熱而成斯證甚者心煩悶亂名曰子淋也

薛前證若頸項筋攣語瀆痰甚用羚羊

角散

身體痛

若小便濇少淋瀝用安榮散若肝經濕熱

用龍膽瀉肝湯

前陰諸疾

若肝經虛熱用加味逍遙散腿

足轉筋而小便不利急用八味丸緩則不救若服燥

劑而小便頻數或不利用生地黃茯苓牛膝黃檗知

母芎歸甘草若頻數而色黃用四物加黃檗知母五

味麥門元參若肺氣虛而短少用補中益氣加山藥

麥門若陰挺痿痺而頻數用地黃丸若熱結膀胱而

不利用五淋散淋若脾肺燥不能化生宜黃芩清肺

飲淋若膀胱陰虛陽無所生用滋腎丸淋若膀胱陽

虛陰無所化用腎氣丸 一婦人每怒發熱脇脹小

便淋瀝如遇經行旬餘未已受胎三月因怒前證復

作朝用加味道遙散夕用安胎飲各二劑而安五月

又怒復下血如經行四日未止仍用前藥而愈 一

妊娠飲食後因惱怒寒熱嘔吐頭痛惡寒胸腹脹痛

大便不實其面青色小便頻數時或有血服安胎止

血之劑益甚余曰寒熱嘔吐而腹脹此肝木尅脾土

而元氣傷也大便秘不實而面青此飲食傷脾兼肝侮
土也小便頻數而有血此肝熱傳胞而兼挺痿也用
六君子加枳殼紫蘇山梔二劑脾胃頓醒又用加味
逍遙散加紫蘇枳殼二劑小便頓清後節飲食調理
而安

地膚大黃湯

外臺

療妊娠子淋宜下

川大黃

地膚草

各參兩

知母

黃芩

豬苓

赤芍藥

通艸

川升麻

枳實

甘草

各貳兩

右咬咀每服肆錢水壹盞煎柒分去滓温服

療妊娠患淋小便澁不利小腹水道熱痛

冬葵子

壹升

芍藥

貳兩

黃芩

赤茯苓

車前子

各叁兩

右咬咀以水柒升煎至貳升温分三服

療妊娠數月小便淋瀝疼痛心煩悶亂不思飲食

瞿麥穗

赤茯苓

桑白皮

木通

葵子

各壹兩

黃芩

芍藥

枳殼

車前子

各半兩

右為粗末每服肆錢水壹盞煎至陸分温服

安榮散 治妊娠小便澁少遂成淋瀝

麥門冬 去心

通草

滑石

人參

細辛 各貳錢

當歸 去蘆酒浸

燈草

甘艸 各半錢

右為細末每服貳錢不拘時麥門煎湯調服

大腹皮散 治妊娠大小便赤澀

大腹皮

枳殼 去白麩炒

甘草 炙各壹錢

赤茯苓 去皮參錢

右為細末每服貳錢不拘時濃煎蔥白湯調下

經心錄療妊娠患子淋小便數出少或熱疼痛及子

煩

地膚子 參兩

右細切水肆升煮取貳升半去滓分三服日三服
補遺治胎前諸般淋瀝小便不通

檳榔

赤芍藥 各等分

右剉每服伍錢水煎溫服甚效

豬苓散

療妊娠子淋小便澀痛 方見前大便不通

遺尿

薛若脬中有熱宜用加味逍遙散若脾肺氣虛宜用補中益氣湯加益智若肝腎陰虛宜用六味丸一妊婦遺尿內熱肝脉洪數按之微弱或兩太陽作痛脇肋作脹余以爲肝火血虛用加味逍遙散六味地黃丸尋愈後又寒熱或發熱或恚怒前證仍作用八珍散逍遙散兼服以清肝火養肝血而痊

白薇散

療妊娠胎滿不知小便出時

見前三卷遺尿

桑螵蛸散

治妊娠小便不禁

桑螵蛸

貳拾枚炙黃

右爲細末每服貳錢空心米飲調下

又方 益智仁爲末米飲下亦効

尿血

大妊婦勞傷經絡有熱在內熱乘於血血得熱則流
溢滲入脬故令尿血也薛前證因怒動火者宜小

柴胡湯加山梔因勞動火者宜用補中益氣湯若因

厚味積熱宜用清胃散雜病加犀角連翹甘草若因

肝經血熱宜用加味逍遙散若因脾氣下陷宜用補

中益氣湯若因脾虛血熱宜用加味逍遙散一妊

婦因怒尿血內熱作渴寒熱往來胸乳間作脹飲食

少思肝脉弦弱此肝經血虛而熱也用加味逍遙散

六味地黃丸兼服漸愈又用八珍湯加柴胡丹皮山

六
胎前尿血
真
五

梔而痊

千金療妊娠卒下血及子淋方

葵子 壹升研

右以水五升煮取貳升分溫三服

又方 生艾葉 壹斤研冬用乾者亦得

右以酒伍升煮取貳升分三服

又方 生地黄 壹升切

右以酒四升煮取貳升分溫三服亦療落身後血

續斷湯 治妊娠下血及尿血

當歸

生地黄 各壹兩

續斷 半兩

赤芍藥 貳錢半

右爲末空心蔥白煎湯調下貳錢

療妊娠尿血方

阿膠

熟地黃 各等分

右爲細末空心粥飲調下貳錢

補遺薑蜜湯 治妊娠小便尿血

生薑 柒片

蜜 半盞

白茅根 壹握

右入水濃煎服

五苓散去桂加阿膠 炒 同爲粗末每服肆錢用車前

子白茅根濃煎溫服

又方

白茅根濃煎湯吞酒蒸黃連丸